

御定書畫譜

欽定四庫全書薈要

吉林出版集團有限責任公司
海 天 出 版 社

欽定四庫全書薈要

子部
雜藝類

吉林出版集團有限責任公司
海天出版社

目次

書名	卷次	頁次	作者
<p>御定書畫譜</p> <p>卷二二 書家傳一</p> <p>卷二三 書家傳二</p> <p>卷二四 書家傳三</p> <p>卷二五 書家傳四</p> <p>卷二六 書家傳五</p> <p>卷二七 書家傳六</p> <p>卷二八 書家傳七</p>	<p>卷三二—卷四四</p>	<p>二八一—一</p> <p>二八一—二九</p> <p>二八一—五九</p> <p>二八一—八七</p> <p>二八一—一〇二</p> <p>二八一—一三〇</p> <p>二八一—一六五</p>	<p>清・康熙四十七年聖祖仁皇帝御定</p>

書名	卷次	頁次	作者
卷二九		二八一—二〇七	
書家傳八			
卷三〇		二八一—二三四	
書家傳九			
卷三一		二八一—二六三	
書家傳一〇			
卷三二		二八一—二七八	
書家傳一一			
卷三三		二八一—三一	
書家傳一二			
卷三四		二八一—三三七	
書家傳一三			
卷三五		二八一—三六九	
書家傳一四			
卷三六		二八一—三九八	
書家傳一五			
卷三七		二八一—四二六	
書家傳一六			

書名	卷次	頁次	作者
卷三八		二八一—四五〇	
書家傳一七			
卷三九		二八一—五七〇	
書家傳一八			
卷四〇		二八一—四八九	
書家傳一九			
卷四一		二八一—五三三	
書家傳二〇			
卷四二		二八一—五七〇	
書家傳二一			
卷四三		二八一—六〇三	
書家傳二二			
卷四四		二八一—六三八	
書家傳二三			

欽定四庫全書薈要

子部
御定書畫譜卷二十二

御定佩文齋書畫譜卷二十二

書家傳一

欽定四庫全書薈要卷一萬一千三百五十四

子部

黃帝時人

倉頡

倉一

倉頡

西溪叢語云姓侯剛氏禪通紀云居陽武而葬利陽黃帝史也

春秋元命苞云倉帝史皇氏河圖玉版云倉頡為帝是皆謂倉頡為

帝也帝王世紀云黃帝史官倉頡說文云黃帝之史倉頡是皆謂倉頡首四目通於神明仰觀奎星負曲之勢

頡為史官也

御定書畫譜卷二十二

俯察龜文鳥跡之象博采衆美合而為字是曰古文張

懷瑾書斷

倉頡之作書也自環者謂之私背私謂之公韓非子

倉頡作書而天雨粟鬼夜哭淮南鴻烈解

倉頡藏書臺有碑文二十八字通雅云倉頡之跡止傳藏書臺墓石李斯

識八字云上天作命皇辟迭王任昉述異記

沮誦

黃帝創制沮誦倉頡始作書契以代結繩衛

詳校官兵部主事雷純

恒四體書勢

黃帝時有大鳥銜圖體備五色三文成字首文曰慎德

背文曰信義膺文曰仁智有臣沮誦亦作頌倉頡觀鳥跡

以作文字此文字之始也雲笈七籤

孔甲

孔甲黃帝史作盤孟二十九篇書盤孟中所以為法戒

也漢書注

夏

欽定四庫全書

御定書畫譜 卷二十二

務光

務光者夏時人也耳長七寸好琴服蒲韭根後遊尚父

山劉向列仙傳

務光隱於清泠之陂植薤而食清風時至見其葉交偃

為倒薤書以寫太上紫真經三卷唐玄度十體書

周

史佚

史佚周文王史作虎書有虎不害人名駒虞因茲始也韋續墨藪

史籀

史籀周宣王時為史官庾元成曰善書師模倉頡古文

損益而廣之或同或異謂之為篆亦曰史書書斷

史籀十五篇注周宣王太史作大篆十五篇漢書藝文志

史籀六字見法帖王應麟玉海

媒氏

媒氏作填書魏韋誕用題宮闕王廙王隱皆好之墨藪

宋司馬

陶宗儀作宋司馬子韋按史記宋世家有司星子韋無司馬子韋宗儀誤也

欽定四庫全書

御定書畫譜 卷二十二

宋司馬以榮感退舍作轉宿篆象蓮花未開形也墨藪

老子

老子者楚苦縣厲鄉曲仁里人也姓李氏名耳字伯陽

諡曰聃周守藏室之史也見周之衰遂去至闕關令尹

喜曰子將隱矣彊為我著書於是老子乃著上下篇言

道德之意五千餘言而去莫知其所終史記列傳

周瀨鄉石室中有老子篆書道德經後蔡邕以隸字證

之釋通之金壺記

孔子

孔子題季札墓十字

吾衍學古編云按古帖止云嗚呼有吳君子而已篆法敦古似乎可信今妄增延陵之墓四字除之字外三字是漢人方篆不與前六字合

在潤州 鄭樵金石畧

延陵季子墓字今入淳化官帖中其字如書簡牘不類

豐碑石柱上所刻也書亦少異於籀文唐人於季子墓

刻此十字張從申書其後籀字極大李陽冰初學嶧山

碑後見仲尼書季札墓字便變化開合如虎如龍是陽

冰所從得法也 董道廣川書跋

欽定四庫全書

御定書畫譜

卷二十二

四

比干墓在汲縣西北十五里墓前有殷比干墓四字世

以為孔子書體勢與周穆王吉日癸巳類先聖所篆比

干墓銅盤銘

文曰左林右泉後岡前道萬世之寧茲焉是寶

開元中為耕者 武游

之所得不傳矣 郎瑛七修類藁

孔子弟子申

孔子弟子申魯哀公十三年西狩獲麟為素王紀瑞制

麒麟書 墨藪

魯二史

宓子賤為單父宰請君之近史二人與俱至官令二史

書方書輒掣其肘書不善則從而怒之 家語

蘇秦 張儀

蘇秦張儀二人同志傭力寫書行遇墳典無所題記則

以墨書字於掌內及股間夜還折竹寫之 王子年拾遺記

屈原

屈原名平楚之同姓也為楚懷王左徒王使造為憲令

屈原屬草藁未定上官見而欲奪之 史記列傳

欽定四庫全書

御定書畫譜

卷二十二

五

草聖始自楚屈原 蔡希綜法書論

魯秋胡妻

雕蟲篆

墨藪作蟲書

魯秋胡妻所作秋胡隨牒遠任荏冉三

年桑時閒翫集為此書亦云戰筆書其體適律垂畫纖

長旋繞屈曲有若蟲形 僧夢英十八體書

秦

李斯

李斯

學古餘錄云字通古

楚上蔡人也從荀卿學成西入秦始皇

并天下以斯為丞相 史記列傳

尚方大篆字皆古體莫測其文斯遂刪其繁冗取其合

宜參為小篆後刻諸名山碑篆玉璽銅人等斯之下筆

趙高以下咸見伏焉斯書聖功紀石云吾後九百四十

年間當有一人代吾迹焉 蒙恬筆經

倉頡篇上七章 考工記注倉頡篇有鞞楚疏云倉頡有七章李斯所作鞞楚是其一篇江式云

造倉頡九章 秦丞相李斯作 漢書藝文志

秦始皇登於嶧山之上命丞相李斯以大篆勒銘山嶺

名曰畫門 鄒道元水經注

細篆書李斯摹寫始皇碑序皆用此體亦曰繆篆仙人

篆古之所有李斯善辨古文改為篆形 墨藪

秦璽李斯魚蟲篆 玉海

始皇并六國斯乃奏罷不合秦文者於是天下行之畫

如鐵石字若飛動作楷隸之祖為不易之法其銘題鍾

鼎及作符印至今用焉 書斷

程邈

程邈字元岑下邳 一作下邳 人始為衙縣獄吏得臯始皇幽

繫雲陽獄中覃思十年益大小篆方負而為隸書三千

字秦之始皇善之用為御史用其字以為隸人佐書故

曰隸書 書斷

尚方大篆程邈所述後人飾之以為法焉 墨藪

篆書始皇使程邈所作也隸書亦程邈所獻 漢書藝文志注

志注

胡母敬

胡母敬本標陽獄吏為太史令博識古今文字與程邈

李斯省改大篆 書斷

史籀篇博學七章者太史令胡母敬所作也 漢書藝文志

志

趙高

趙高始皇時為中車府令兼行符璽令事二世以為郎

中令後拜為中丞相 史記李斯列傳

史籀篇爰歷六章車府令趙高所作也 漢書藝文志

御定書畫譜 卷二十二 六

御定書畫譜 卷二十二 七

高善史書教始皇少子胡亥書

書斷

刻符書鳥頭雲脚李斯趙高並善之用題印璽

墨藪

王次仲

王次仲上谷人少有異志年及弱冠變倉頡舊文為今隸書秦始皇時官務繁多以次仲文簡便於事要奇而召之三徵而輒不至始皇怒其不恭令檻車送之於道上化為大鳥出在車外翻然而去落二翮於斯山故其

峰巖有大翮小翮之名矣

水經注 張懷瓘曰王愔云次仲建初中以隸草作楷法

欽定四庫全書

御定書畫譜

卷二十一

八

蕭子良云靈帝時王次仲飾隸為八分二家俱言後漢而兩帝不同或云後漢亦有王次仲為上谷太守非上谷人陶宗儀曰次仲與程邈同時增廣隸書為八分或云東漢末人又云有二王次仲皆非也

王次仲以楷字法局促遂引而伸之為八字之分故號

八分 金壺記

漢

蕭何

蕭何沛人也漢五年封鄼侯後拜為相國諡文終侯

漢

書本傳

蕭何深善筆理嘗與張子房陳隱等論用筆之道何為

前殿覃思三月以題其額觀者如流水何使用秃筆

金壺記云蕭何用退筆書裳尤工何善篆籀時人謂之蕭籀 常自為之 羊欣筆陣圖

漢興蕭何草律著法曰太史試學童能諷九千字以上

乃得為史又以六體試之課最者以為尚書御史史書

令史吏民上書字或不正輒舉劾 漢書藝文志

盧綰

盧綰豐人也與高祖同里綰親與高祖太上皇相愛高

欽定四庫全書

御定書畫譜

卷二十一

九

祖綰壯學書又相愛也封為長安侯立為燕王 漢書本

傳

叔孫通

叔孫通薛人也秦時博士高帝九年為太子太傅孝惠

即位徙奉常 漢書本傳

倉頡墓碑文周時莫識李斯識八字至漢叔孫通識十

二字 述異記

滕公駕至東都門馬鳴跼不肯前以足跑地滕公掘地

入三尺得石郭有銘焉乃以水洗其文文字皆古異左
右莫能知以問叔孫通通曰科斗書也以今文寫之葛

洪西京雜記

司馬相如

司馬相如字長卿蜀郡成都人也好讀書學擊劍名犬
子慕蘭相如之為人也更名相如上讀子虛賦而善之
今尚書給筆札奏上林賦天子以為郎後拜孝文園令

漢書本傳

欽定四庫全書

御定書畫譜

卷二十二

司馬相如作凡將篇漢書藝文志

氣候時書漢文帝令蜀郡司馬長卿採日辰禽屈伸之
體升伏之勢象四時為書墨藪

董謁

董謁字仲玄武都郁邑人也家去京師三百里或乘牛
驢或躡履不日而至常息人家於座以筆題掌還家以
竹箠寫之書竟則舐掌中世謂之董仲玄掌錄謁常遊
山澤負挾圖書惠其繁重家貧拾樹葉以代書簡易卷

懷也郭憲洞冥記

董仲舒

董仲舒廣川人也為江都相中廢為中大夫遼東高廟
長陵高園殿災仲舒推說其意草藁未上主父偃竊其
書奏焉漢書本傳

墨藪

孔安國

孔安國魯孔氏有古文尚書安國以今文字讀之因以
起其家為諫大夫漢書本傳

欽定四庫全書

御定書畫譜

卷二十二

孔子舊宅壁中所藏古文皆科斗文字時人無能知者
定其可知者為隸古定陸游老學庵筆記云隸為隸書
古為科斗前一簡作科斗後一
簡作隸
書釋之更以竹簡寫之孔安國尚書序

李陵

李陵字少卿廣孫隴西成紀人也拜為騎都尉至浚稽
山與單于戰兵敗遂降漢書本傳

馬鞍山望鄉嶺 楊慎法帖神品目云在哈密 嶺上石龕有李陵題字
宋史高昌國傳

劉耽

劉耽書呂梁碑字為小篆耽於傳無聞据碑言皇帝登封之歲蓋秦漢間人也 羅泌路史按秦皇漢武皆登封今附武帝之末

張安世

張安世字子孺少以父任為郎用善書給事尚書宣帝立拜為大司馬車騎將軍領尚書事更為衛將軍謚敬

欽定四庫全書

御定書畫譜

卷二十二

十二

侯 漢書本傳

張彭祖

張彭祖安世子也安世兄賀無子子安世小男彭祖彭祖少與上同席研書上追思賀息封彭祖為陽都侯 漢書張安世傳

漢張彭祖行草品上之下 韋續九品書人論

路溫舒

路溫舒字長君鉅鹿東里人也父為里監門使溫舒收

羊溫舒取澤中蒲截以為牒編用寫書稍習善又受春秋通大義至臨淮太守 漢書本傳

嚴延年

嚴延年字次卿東海下邳人也為河南太守為人短小精悍敏捷於事尤巧為獄文善史書奏成手中奄忽如神 漢書酷吏傳

史游

史游漢元帝時黃門令作急就章解散隸體麤書之王

欽定四庫全書

御定書畫譜

卷二十二

十三

惜文字志

存字之梗概損隸之規矩縱任奔逸赴俗急就因草創之義謂之草書後世謂之章草 書斷

李長

李長成帝時將作大匠作元尚篇倉頡中正字也 漢書藝文志

張敞

張敞字子高本河東平陽人也祖父徙茂陵守京兆尹

復拜冀州刺史太原太守 漢書本傳

倉頡多古字俗師失其讀宣帝時徵齊人能正讀者張敞

從受之 漢書藝文志

美陽得鼎獻之有司議以為宜薦見宗廟如元鼎時故

事張敞好古文字按鼎銘勒而上議云此鼎細小又有

款識不宜薦見宗廟 漢書郊祀志

張敞善書見王愔文字志 法書要錄

杜鄴

欽定四庫全書 御定書畫譜 卷二十二

杜鄴字子夏本魏郡繁陽人也武帝時徙茂陵官為涼

州刺史 漢書本傳

鄴工古文 書斷

王尊

王尊字子贛涿郡高陽人也少孤歸諸父使牧羊澤中

尊竊學問能史書守京兆尹三歲免復遷東郡太守秩

中二千石卒官 漢書本傳

劉向

劉向字子政本名更生年十二以父德任為輦郎既冠

以行修飭擢為諫大夫元帝初為散騎宗正給事中成

帝即位更名向為中郎使領護三輔都水遷光祿大夫

漢書本傳

劉子政授中秘書自史籀以下凡十家序為小學次於

六藝之末 洪邁容齋隨筆

劉向博極羣書尤工字畫 陶宗儀書史會要

谷永

欽定四庫全書 御定書畫譜 卷二十二

谷永字子雲長安人也博學經書數上疏言得失至大

司農 漢書本傳

樓護與谷永俱為五侯上客長安號曰谷子雲筆札樓

君卿唇舌 漢書游俠傳

孔光

孔光字子夏孔子十四世孫也為御史大夫丞相各再

壹為大司徒太傅太師歷三世前後十七年封博山侯

謚簡烈侯 漢書本傳

孔光經行著修書法古雅書史會要

爰禮

爰禮沛人孝平時徵禮等百餘人令說文字未央廷中

以禮為小學元士許慎說文序

爰禮善書見王愔文字志張彥遠法書要錄

秦近

秦近講學大夫通倉頡讀能言之許慎說文序

揚雄

欽定四庫全書

御定書畫譜

卷二十二

十六

揚雄字子雲蜀郡成都人也年四十餘游京師奏賦除為郎給事黃門三世不徙官莽世轉為大夫作奇字嗜酒好事者載酒肴從游學漢書本傳

元始中徵天下通小學者以百數各令記字於庭中揚

雄取其有用者以作訓纂篇順續倉頡又易倉頡中重

復之字凡八十九章漢書藝文志

雄為郎詔令尚書賜筆墨錢六萬觀書石渠天下上計

孝廉及內郡衛率會者雄常把三寸弱翰齋油素四尺

以問其異語歸即以鉛摘次之於槧揚子雲集

劉棻

劉棻國師公歆子也王莽時侍中封隆威侯漢書王莽傳

傳

棻嘗從雄學作奇字漢書揚雄傳

甄豐

甄豐元始中封廣陽侯為少傅授四輔職漢書王莽傳

已新居攝使大司空甄豐等校文書之部自以為應制

欽定四庫全書

御定書畫譜

卷二十二

十七

作頗改定古文時有六書一曰古文二曰奇字三曰篆書四曰佐書五曰繆篆六曰鳥蟲許慎說文序

陳遵

陳遵字孟公杜陵人也有功封嘉威侯遵嗜酒畧涉傳

記贍於文辭性善書與人尺牘主皆藏去以為棻王莽

素奇遵材起為河南太守既至官召善書吏十人於前

治私書遵馮几口占書吏且省官事書數百封親疎各

有意河南大驚復為九江及河內都尉漢書本傳

芝英篆陳遵所作。在漢中葉武帝臨朝。爰有靈芝二本。植於殿前。既歌芝房之曲。又述芝英之書。陳氏即芝英之祖。夢英十八體書

馮婕

楚主侍者馮婕。能史書。習事。嘗持漢節為公主使。行賞於城郭。諸國敬信之。號曰馮夫人。漢書西域傳

後漢

杜林

欽定四庫全書

御定書畫譜

卷二十二

十八

杜林字伯山。扶風茂陵人也。鄴子少好學。深沉家。既多書。又

外氏張竦父子喜文采。林從竦受學。時稱通儒。建武

六年。徵拜侍御史。林前於西州得漆書古文尚書一卷。

嘗寶愛之。雖遭艱困。握持不離。身代朱浮為大司空。稱

為任職相。後漢書本傳

倉頡多古字。俗師失其讀。杜林為作訓。故。漢書藝文志

林尤工古文。過於鄴也。書斷

衛宏

衛宏字敬仲。張懷瓘書斷作東海人也。少與河南鄭興

俱好古學。作毛詩傳。從大司空杜林。更受古文尚書。為

作訓。旨由是古學。大興光武。以為議郎。後漢書本傳

衛宏詔定古文字書一卷。唐書藝文志

曹喜

曹喜字仲則。扶風平陵人。章帝建初中。為秘書郎。篆隸之工。收名天下。書斷

喜見李斯筆勢。悲歎不已。作筆論一卷。王羲之筆勢傳

欽定四庫全書

御定書畫譜

卷二十二

十九

扶風曹喜少異於斯。而亦稱善。衛恒四體書勢

喜善懸針法。後世行之以此。書題五經篇目。唐玄度十

體書

垂露篆喜之所作。以書章表奏事。謂其點綴如輕露。夢

英十八體書

喜小篆法。垂枝濃直。若薤葉。金壺記

杜度

杜度。蕭子良云。本名操。為字伯度。京兆杜陵人。御史大

魏武帝諱改為度。

夫延年曾孫章帝時為齊相善章草書斷

建初中杜度善草書見稱於章帝上貴其蹟詔使草書

上事蓋因章奏後世謂之章草法書要錄

杜伯度章草時稱聖字金壺記

班固

班固字孟堅扶風安陵人也顯宗召詣校書部除蘭臺

令史後遷玄武司馬後漢書本傳

揚雄作訓纂篇臣復續揚雄作十三章無復字六藝羣

欽定四庫全書

御定書畫譜

卷二十二

二十

書所載畧備矣韋昭注曰臣班固自謂也作十三章後

人不別疑在倉頡下篇三十四章中漢書藝文志

固工篆李斯曹喜之法悉能究之書斷

班超

班超字仲升扶風平陵人彪之少子也永平五年兄固

被召詣校書郎超與母隨至洛陽家貧為官傭書以供

養以勞苦常輟業投筆歎曰大丈夫當效傅介子張騫

立功異域以取封侯安能以事筆硯間乎久之顯宗問

固卿弟安在固對為官寫書受直以養母帝乃除超為

蘭臺令史後使西域立功為都護封定遠侯後漢書本

傳

徐幹

徐幹字伯章扶風平陵人為班超軍司馬善章草班固

與弟超書曰得伯章書藁勢殊工知識讀之莫不歎息

實亦藝由已立名自人成班蘭臺集

賈逵

欽定四庫全書

御定書畫譜

卷二十二

二十一

賈逵字景伯扶風平陵人也永平中有神雀集明帝勅

蘭臺給筆札使作頌拜為郎與班固並授祕書永元八

年為侍中領騎都尉後漢書本傳

賈逵和帝時修理倉頡舊史書史會要

賈魴

賈魴和帝時郎中撰滂喜篇以倉頡為上篇訓纂為中

篇滂喜為下篇所謂三倉也皆用隸字寫之隸法由茲

遂廣書斷

李郃

李郃字孟節漢中南鄭人也郃游大學通五經官至司

徒封涉都侯 後漢書本傳

李郃游學京師常賃書自給 李郃別傳

王溥

王溥琅邪人王吉之後安帝時家貧不得仕乃挾竹簡
插筆於洛陽市傭書美於形貌又多文辭來僦其書者
丈夫贈其衣冠婦人遺其珠玉一日之中衣寶盈車而

欽定四庫全書

御定書畫譜

卷二十二

二十三

歸積粟於廩洛陽稱為善筆而得富後以一億輸官得

中壘校尉 拾遺記

崔瑗

崔瑗字子玉涿郡安平人駟之中子也早孤好學能傳

其父業諸儒宗之舉茂才後遷濟北相著草書勢 後漢

書本傳

瑗善章草師於杜度點畫之間莫不調暢王隱謂之草

賢又妙小篆有張平子碑 書斷

崔瑗撰飛龍篇合篆草勢三卷 唐書藝文志

崔寔

崔寔字子真一名台字元始瑗之子也桓帝初舉至孝

獨行後為五原太守召拜尚書 後漢書本傳

崔寔章草雅有父風張茂先甚稱之 書斷

許慎

許慎字叔重汝南召陵人也少博學時語曰五經無雙

許叔重為郡功曹舉孝廉再遷除汶長作說文解字十

欽定四庫全書

御定書畫譜

卷二十二

二十三

四篇 後漢書本傳

許慎少好古學書正文字尤善小篆師模李斯甚得其

妙 書斷

尹珍

尹珍 華陽國志字字道 牂牁郡人桓帝時自以生於荒裔

不知禮義乃從汝南許慎授經書圖緯學成還鄉里教

授於是南域始有學焉珍官至荊州刺史 後漢書南蠻

傳